

INUIT ATAQATIGIIT

INATSISARTUNI



Sisimiut 23. februar 2015

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Apeqqutit

1. Ilaqutariinnermut Naalakkersuisoqarfimmi pisortap suliunnaarsimanera aamma/imaluunniit soraarsitaasimanera Naalakkersuisut uppernarsar-sinnaavaat?
2. Taamaattoqarsimappat suliunnaarnerup aamma/imaluunniit soraarsitaasimanerup Nuna aningaasivianut aningaasatigut kinguneri pillugit Naalakkersuisut qanoq paasissutissiisinnaappat?
3. Ilaqutariinnermut Naalakkersuisuni pisortaagallartussap Peqqissutsimut Naalakkersuisoqarfimmik tapullugu isumaginnittusnaanera eqqarsaatigalu suliunnaarnerup maanna pinera Naalakkersuisunit tulluartautin-neqarpa?
4. Pisoq pillugu Naalakkersuisut avammut nalunaaruteqarsimannginneran-nut suna patsisaava?
5. Ilaqutariinnermut aamma Peqqissutsimut Naalakkersuisoqarfiit kattuti-tinnissaannut Naalakkersuisut eqqarsaatersuuteqarnerat soraarsitsiner-mut patsisaanerpa?
6. Naalakkersuisut pisamut tunngatillugu Inatsisartuni innuttaasulluunniit akornanni naliliinissamut pingaaruteqartunik allanik paasissutissaate-qarpat?

(Inatsisartuni ilaasortaq, Agathe Fontain, Inuit Ataqatigiit)

Tunngavilersuut

Tusakkat tunngavigalugit Ilaqutariinnermut Naalakkersuisoqarfimmi pisortaq erngertumik suliunnaarsimavoq. Nalunaarutigineqarporlu maanna Peqqissutsimut Naalakkersuisoqarfiup pisortarigallagaa aamma Ilaqutariinnermut Naalakkersuisoqarfimmik isumagin-nikkallartuussasoq. Tamannali pillugu Naalakkersuisut avammut ilisimatitsisimangillat. Tamanna eqqarsarnartoqartippara. Maanna Peqqissutsimut Naalakkersuisoqarfimmi politikkikkut qaffasinnerpaamik aqutsisup Folketingimi suliassaminik isumaginninnissaa pissutigalugu sulingiffeqartinneqarnerani – eqqumeeqisumi – Peqqissutsimut Naalakkersuisoqarfik artukkerneqareeqqavoq. Tamatuma saniatigut Peqqissutsimut Naalakkersuisoqarfimmi pisortaq, aamma Ilaqutariinnermut Naalakkersuisoqarfimmik isumaginnittussatut qaavatigut piunasaqarfigissallugu ingasappoq. Naalakkersui-soqarfiit taakkua marluk katillugit 2 milliardinik missingersuuteqarput, taamaattumillu erseqqissumik paasisaqarusuppunga. Tassami politikkikkut uivernermik Siumullu Naalakkersuisullu iluanni taarsaatsitsinerni eqqumiitsuni pisut piinnarlugit Naalakkersuisoqarfinni pingaaqisuni suliassanik unittoortoqassappat inatsisartuni ilaasortatut tamanna isiginnaaginnarsinnaanngilarput.

Ullut suliffiusut qulit iluanni apeqqutit tamakkerlutik akineqarnissaat qinnutigissavara.